

[www.BibleForChildren.org](http://www.BibleForChildren.org)

# मत्ती 26



तोउं यीशु बचणे  
त्योहारे छे रोज  
पेहला ईं लाजारे ग्रां  
बैतनिया जे आ, जेठि  
यीशु लाजार मरुण केआं  
दुबारी जीओ थिआ।  
तपल मरियम कोई टाई सौ  
पंझी ग्रामे जटामासी नओएं  
बोडा कीमति मुश्कदार तेल  
अण्ह कइ यीशु खुर पुठ ला त  
अपु झशुड़े बइ तसे खुर धशुण लगी।  
त तस तैले मुश्क पूरे भखेरी अन्तर भोई गई।




तपल यहूदा इस्कारियती जे बाराह चले अन्तरा यक थिआ,  
मुख्य पुजारे केई गा त धोखे जुओई तेन्के हथे बड़ यीशु  
टोवाणे की। से ई शुण कइ खुश भोई  
गे, त तसे धे रुपेई देणे सोह किए।  
तोउं से तेस टोवाण  
मौका हेरण लगा।




त जीं यीशु बोलो थिउ तिहांणि चेली  
किउ। त बँचणे त्योहारे रौंठि बणाई।  
जपल से रौंठि खाण लगो थिए, यीशु  
यक रौंठि टाती, परमेश्वरे धन्यवाद दी  
कइ टुकड़ेरी, त चेली कें धे दी कइ बोलु,  
“ए नीए त खाण दिए; ए में जिसम भौ।”  
फिर तेन दाखरसे कटोरा टाई कइ  
परमेश्वरे धन्यवाद किआ, त तेन्के धे दी  
कइ बोलु, “तुस सोब इस  
अन्तरा पिए।  
किस कि ए  
परमेश्वरे जुबाने में  
से लहु भौ, जे अउं  
सुआ मेहणु के पाप  
माफ करण जे बोहान्ता।”



फिर तेन बोलु, “शमौना, ओ शमौना, हेर! जीं गिहं पुण कइ  
साफ कते तिहांणि शैताने तुस मोउं केआं अलग करूं जे  
परमेश्वर केआं पुछो असु। पर मेईं तोउ जे प्रार्थना की कि तें  
विश्वास कमजोर ना लौता भुओ। होर जिखेईं तु अपु मन  
बदलाई कइ मोउं जे वापिस एईयाल त अपु साथी के सुआ  
कमजोर विश्वास ताकतवर करूं।”



त तेन तस जे बोलु, “ए प्रभु, अउं तोउ जुए जेहेल अन्तर एण  
जे त मरण जे बि तेयार असा।” तेन बोलु, “पतरसा, अउं तोउं  
जे बोता कि जोउं तकर तुं टाई फेरि मोउं पिछाणण केईआं ना  
मुकरियाल, तोउं तकर आज कुकड़े बांग ना देन्ता।”



तोउं यीशु अपु चेली जोई जैतुने  
फाटे गतसमनौ नओएं यक  
जगाई गा त अपु चेली जे  
बोलुण लगा, “अउं ओठि  
घेई कइ प्रार्थना कता, तोउं  
तकर तुस इठि बिशे।” तेन  
बोलु, “ए अब्बा, ए बोउआ!  
तोउं केआं सोब किछ भोई  
सकतु; एस दुखे घड़ी मोउं  
केआं दूर कर: तोउं बि जीं  
अउं चहन्ता तीं ना, पर जीं  
तु चहन्ता तिहांणि भो लौतु।”



तपल यहूदा मुख्य पुजारे त फरीसी के लंघो रोमी सपाही के  
यक पलटन, त देहरै कछ सपाही, दल्हुण त लालटेन  
जाई-जुई त हथियार घिन तठि आए।  
यीशु कछ बोलुण केआं पेहले ईं चेली बिचा  
यक जेई छूरि चलाई कइ बोडा पुजारे  
नौखरे देहणा कन छोलि फटा।  
त यीशु बोलु, “अब बस करे”  
त तसे कन नी कइ  
वापस जोड़ छड़ा।






तोउं तेन्हि यीशु टाड़ कड़ नी छड़ा, त बोडा पुजारे गी  
आणता। पतरस दूर केआं तेन्के पता पता अँओ थिआ;  
त जपल से बराने अन्तर आग  
जाई कड़ साते बिशे त  
पतरस बि तेन्हि मेहणु जए  
तठि बिश गा कि यीशुँ जोई  
कि भुणे बाड़ असु तसं  
हेरणु जे बिशो थिए।



तोउं बोडा पुजारे नौखरी  
बच यक तसे रिशतेदार  
थिआ, जेसे कन पतरसे  
छल फटओ थिआ। तेन  
पतरस जे बोलु, “कि तु  
मेईं यीशु जुए बग अन्तर  
ना का ना?” पतरस,  
फिर मुकीर गा त तिखेईं  
कुकड़े बांग छइ।  
त से बाहर निस कइ जोरी  
जोरी रोलुण लगा।




तोउं पूरी टजोट खड़ी कइ यीशु रोमी  
राज्यपाल पिलातस अगर घिन गई।  
पिलातसे तस केईआं पछु, “कि तु  
यहूदी के राजा भो ना?” तेन तस जे  
बोलु, “एस सवाल तु अपफ  
पछण लगो असा ना कि  
होरी बझई जुए?” पर  
पिलातसे यीशु छड़ देणे  
इच्छा रख कइ मेहणु फिर  
समझाए। पर तेन्ह लियार

दी कइ बोलु, “एस क्रूस  
पुठ ढनाए, क्रूस पुठ”।




तोउं तेन तेन्के मांग मन कइ यीशु सपाही  
के हवाले किआ, ताकि तस क्रूस पुठ  
ढनाल। त यीशु अपु थम जेस पुठ से  
ढनाण थिआ, कन्है पुठ कर कइ यरुशलेम  
केआं बाहर तेस जगाह तकर गा, जेस जे  
“खोपड़ी के जगाह” बोते त इब्रानी भाषा  
अन्तर “गुलगुता” बोते।



तठि तेन्हि से त हारे बि दुई मेहणु  
क्रूस पठ ठनिए। यक बउंआ कना,  
यक देहणा कना त यीशु बुच रखा।



दिसे टगड़ियार घट भुन्ति गई त देहेर अन्तर जे चादुर असा  
से बुच केआं चीर कइ दुई टुकुड़ भोई गा। त यीशु लियार दी  
कइ बोलु, “ए बोउआ, अउं अपु प्राण तें हवाले कता।”  
त ई बोल कइ मरी गा।



त अरिमतिया शेहरे यूसुफ आ। से यहूदी  
समिति यक इज्जतदार सदस्य थिआ  
त अपफ परमेश्वरे राज्य एणे  
भाड़ बिश्ताथ। से हिम्मत कर  
कइ राज्यपाल पिलातुस  
केई गा त यीशु लाश  
मगी। तोउं यूसुफे यक  
हच्छा कपड़ा खरीदा,  
त लाश भीं किढ़

कइ तेस अन्तर लपेटी,  
त यक कब्रे कुड अन्तर  
रखी, जे फाट पठ कोरो  
थी। त कब्रे दुआर पठ  
यक बोडा पठ दी छड़ा।



दोके रोज, मतलब भक्ति करणे रोज मुख्य  
पुजारे त फरीसी पिलातुस  
केई एई कइ बोलु,  
“राज्यपाल जी, असी याद  
असु कि से भरमाणे बाड़ा  
यीशु जपल जीन्ता  
थिआ, तेन बोलो थिउ,  
‘अउं टेके रोजे  
जी घेन्ता।’”





तोउं तेन्हि पेहरेदार जोई नीए,  
त पठ पुठ मुहर लाई कइ  
तसे पेहरेदारी करण लगे।




भक्ति करणे रोज केआं पता, हफते  
पेहलकण रोज पथवारी ईं मगदला  
ग्रांए मरियम त दोकी मरियम  
यीशु लाश रखो कुड हेरण  
जे पुजी। त अजगता यक  
बोडां भुंजल गा, स्वर्ग  
केआं प्रभु यक दूत  
आ, कुडे मुंहे पठ  
उघाड़ कइ तेस पुठ  
बिश गां।

तेस हेर डर कइ  
पेहरेदार मरो मुड़दे  
ईं भोई गो।



पर स्वर्गदूते तेन्हि जिल्हाणु जे बोलु, “डरे  
नउ! मोउं पता असा कि तुस यीशु  
तोपुण लगो असी, जे क्रूस पुठ  
मरो थिआ। से इठि नेई, पर  
अपु वचने हिसाब जोई  
दुबारी जी गो असा।  
एईए, हेरिण दिए,  
जेठि प्रभु रखो  
थिआ।”



से डरो बि थी त खुश बि। तोउं कुड केआं  
दौड़ कइ तसे चेली समाचार देण जे गई।  
त अचानक यीशु तेन्हि मेईया त बोलु,  
“होर ठीक असी ना, तुस”? तेन्हि  
भेएइ एई कइ उटेऊ तसे खुर  
बिने त गुणगान किआ।



इढ़िया पता, जपल से ग्यारोह चले रौंठि खाण बिशो थिए,  
तेन्हि यीशु काआ। तेन्के अविश्वास त नकठर मने लिए तेन  
से जड़के, किस कि जेन्हि तसे जीणे पता से काओ थिआ,  
तेन्हि तेस पुठ विश्वास न किआ। प्रभु यीशु तेन्हि जुए बोक  
करणे पता परमेश्वरे से स्वर्ग जे नी छड़ा, जेठि से परमेश्वरे  
देहणा कना सुआ इज्जते जगाई बिशा।



परमेश्वर सम्हाई  
जुए ती परेम कता। तोउं त तेन अपु  
इकलौता कुआ इस धरती पुठ लंघा। तँ जे बि  
तस पुठ विश्वास कराल, हमेशा परमेश्वर  
जुए बिशाल। पर जे बि परमेश्वरे कुआ  
पुठ विश्वास न कराल से परमेश्वर  
केआं हमेशा लिए दूर भोई  
घियाल त खतम  
भोई घियाल।



रोमी 3:23

किस कि सोबी गलती त पाप किओ असे त परमेश्वरे महिमा मेणे लेएक नेईं रिहो।

रोमी 6:23

किस कि पाप करणे मजूरी मौत असी, पर परमेश्वरे वरदान हैं प्रभु मसीह यीशु अन्तर अमर जीवन असा।

इब्रानी 9:27

जिहांणि कि मेहणु के लिए यके लिंगि मरुण त तदिया पता तेन्के न्याय भुण पक्कु असु,



इफिसस 2:8,9

किस की विश्वास जाए त परमेश्वरे दाही बेलि तस बच गो असे।  
ए तुसी केईआं न भौ, होर ना कुछ खरे कमी के बड़ाई जोई भो।  
पर परमेश्वर कनारा यक दाने भो ताकि कोई रोभ ना किढ  
बटियाल।

रोमी 10:9,10

तोउं त, अगर तु अपु मुंहे बड़ यीशु जे “प्रभु” बोलाल, होर अपु  
पूरे मने बड़ विश्वास करियाल कि परमेश्वरे से मरो तेन्हि अन्तरा  
दुबारी जीआ, त तु जरूर बचता। किस कि धर्मी भुण जे मने बड़  
विश्वास करिए लौता, होर बचणे लिए मुंहुए बड़ बोलिये लौतु।





## यूहन्ना 3:16,17

परमेश्वर सम्हाई जुए ती परेम कता। तोउं त तेन अपु इकलौता कुआ इस धरती पुठ लंघा। त जे बि तस पुठ विश्वास कराल, हमेशा परमेश्वर जुए बिशाल। पर जे बि परमेश्वरे कुआ पुठ विश्वास न कराल से परमेश्वर केआं हमेशा लिए दूर भोई घियाल त खतम भोई घियाल। परमेश्वरे अपु कुआ इस धरती पुठ तोउं लंघा, ताकि तसे बेलि मेहणु अपु पापे सज्जा केआं बच सकियेल। से मेहणु सज्जा शुणाण जे ना थिआ अओ।

## 1 यूहन्ना 5:11-13

होर से उगाही ई भो कि परमेश्वरे हेन्धे अमर जीवन दुतो असा। ए जीवन तसे कोईये बेलि ईं मेता। जे परमेश्वरे कुआ जुए जुड़ कड़ बिश्ते, तेन्हि अमर जीवन मेता। होर जे तस जुए जुड़ कड़ ना बिश्ता, तेन्हि अमर जीवन ना मेता। तस, जे परमेश्वरे कोईया नओं पुठ विश्वास कते मेईं तुसी जे तोउं लिखो असु, ताकि तुस जाण घियेल कि अमर जीवन तुसी मेईं गो असा।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Pangwali: Walangi NT (pgg) © 2023 (Active)  
Wycliffe Bible Translators, Inc. All rights reserved.

<https://www.bible.com/bible/3555/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

